

OKULUNGAMIZIBWA KW'OMUKULEMBEZE

Engeri Ey'okukozesaamu Eby'okuyigiriza Kwa Bayibuli Bino.

Baibuli eno - ewa abakulembeze ebikozesebwa ebyangu okulungamya obubiina bwabwe okuyita mu kwenyigiramu n'okuyiga ebyawandiikibwa. Obwangu, n'okugenda ebuziba mu by'okuyiga bino kuzzaamu abantu ab'emyaka egy'enjawulo n'emitendera egy'enjawulo mu kukkiriza okwenoonyeza ebyawandiikibwa nga omuntu omu oba nga obubiina obutonotono.

Okuyiga Baibuli kuno kwe kuyiga kwa buli lunaku okulungamya abakwenyigiramu, okuvuganya ku lwabwe nga bakozesa ekitundutundu ekimu eky'ebyawandiikibwa ku lw'okulungamya okw'awamu n'okukubaganya ebirowoozo okwa wiiki eddirira.

Bonna abenyigiramu basoma ekitundutundu ekiba kibaweereddwa buli lunaku ne basaa Katonda basobole okutegeera era ne baddamu ebibuuzo by'olunaku olwo. Buli lunaku, Omwoyo Omutukuvu abikkula amakulu ag'ebuziba era n'agatta okutegeera ku kitundutundu ekyo. Bonna ab'enyigiramu bayiga okusoma ekigambo kya Katonda mu ngeri ey'obwa ssekinoomu nga bezuulira era nga bassa mu nkola amazima ga Katonda agakyusa nga beyambisa engeri enyangu ey'okusomamu Baibuli erambikiddwa wano wamanga:-

- **Okwekenneenya**
Ekyawandiikibwa kigamba ki?
Omulamwa omukulu gwe guli wa?
- **Okuvvuunula**
Ekyawandiikibwa kitegeeza ki?
Bigambo ki ebikulu, eby'ogerwa n'amazima?
- **Enkozesza**
Omwoyo Omutukuvu ankulembera atya okussa munkola ebyawandiikibwa mu bulamu bwange?

Engeri Ey'okutandikamu Akabiina Akayiga Baibuli.

Tukkiriza nga Katonda ayagala okukukozesa nga bw'oli, w'obeera, by'okola oba n'engeri gy'otabaganamu n'abalala okuleetawo enjawulo kulw'obulamu obutagwaawo.
Okutandika, wano waliwo emitendera esatu:-

1. OKUSABA

.....kitandika na kusaba era n'enkolagana.

ESSAALA

- Sabira mukwano gwo anakuyamba okutandika akabiina ak''okuyiga Baibuli.
- Musabirenga wamu bulijjo. Musabe Katonda enteekateeka ze n'okulunganya kwe.
- Musabe nga bwe mutambula okwetooloola mu kitundu kyammwe. Musabe omukisa gwa Katonda n'obukuumi bwe.
- Musabire abantu nga mwatula amannya gaabwe. Musabe Mukama omwaganya ogw'okusisinkana, okufaayo eri abalala n'okuweerezagananga.
- Mubasabire bafune okuyaayaana okusoma bayibuli.

ENKOLAGANA

- Sisinkana abo ababeera, abakolera mu kitundu gy'obeera oba b'otabagan nabo mu kitundu kyo. Beera wa mukwano era nga ozzaamu amaanyi.
- Tandikawo embooji, buuzi ebibuuzo ebirungi, era beera muwuliriza mulungi.
- Mumaleeko obudde wamu ku ka Caayi oba eky'emisana.
- Noonya emyagaanya gy'okwagala, okugaba n'okuwereza.

2. TEEKAWO ENKOLAGANA

.....zuula abo abakyetaaga.

TEEKATEEKA OLUKUNGAANA

- Londa ennaku z'omwezi, obudde n'ekifo.
- Kola olukalala lw'abantu b'oyagala bajje.
- Saba era obaanirize.
- Tekateeka okubawa ebiweweeza bw'oba ng'okuyagadde.
- Wandika olukalala lw'ebibuuzo eby'okunyumyaako oba tekateekayo ekintu kye munaakola nga kibagatta nga mukungaanye.

EKIRUNGAMYA OLUKUNGAANA

- Gabula ka caayi oba kakawa, n'obw'okulya obutonotono bwekiba nga kyagalwa.
- Baanirize, weyanjule era naawe omanyebuli omu kubo (weyambise ebibuuzo oba eky'okukola) era obawe akadde okunyumirwa.
- Nga enkomerero y'akaseera ako enateera okutuuka, yogera ekintu nga bw'oti: *Tubadde n'akaseera akasuffu awamu. Njayaana okuteekawo embeera ennungi era n'ekitundu ekifaayo Abantu nga ffe wetuyinza okuyigira Baibuli awamu nga tuzuula kiki ky'eyogera era n'engeri jekikwata ku buli ssekinoomu ku ffe. Bambi muntegeeze oba nga mwandikyagadde.*

3. KULEMBERAMU

.....kaakati tandika.

- Wanula ku Mutimbagano Eby'okuyiga bino era obifulumye mu kyapa buli muntu omuwe.
- Londako kimu ku by'okuyiga ebina Eby'ebya awandiikibwa Ebikuweereddwa ku Mutimbagano Eby'okuyiga..
- Abayizi bajja kwetaagayo akatabo akatono ak'okuwandiikamu okusobola okukuuma ebibeera biddidwamu mu buli bibuuzo by'olunaku.

Engeri Y'okukulemberamu Akabiina Ak'ebya'okuyiga Bya Baibuli.

Tandika n'essaala enyimpimpi.

- Sabayo omuntu yenna okusoma ekitundu ky'ekyawandiikibwa.
- Kulemberamu okuteesa/okubaganya ebirowoozo ku bibuuzo eby'olunaku olwo ebikwata ku by'okuyiga Baibuli.
- Totya kasiriikiriro nga bw'olinda eky'okuddamu. Ekigendererwa kiba kya kuddibwaamu so si mukulembeze okuddamu buli kibuzo.

Kulw'okuteesa okulungi, kiba kirungi okubeera ng'ojjukiza abantu buli kaseera ebimu ku birungamy okuteesa kwammwe.

- Yogera mu ddoenzi eriwulikika eri buli omu.
- Ddamu mu bufunze, tolandagga nnyo.
- Okuteesa kuumire nga kwetolorera ku Kristo ne Baibuli.
- Sigala mubuufu obutuufu era toleetaawo bintu bitabulatabula.

Kakasa abantu nti Omwoyo Omutukuvu ajja kwetwalira ekigambo kye, n'embeera yobulamu bwa buli muntu, webatuuse mu lugendo lwabwe olw'omwoyo era basomese buli ssekinoomu kiki Kristo kyayagala bamanye era bakikole mu bulamu bwabwe obwa ssekinoomu.

- Ku nkomerero y'akaseera k'okuyiga bawe ekitundu ky'ekyawandiikibwa ekya wiiki eddako.
- Kubiriza abantu okwaniriza abalala okwegatta mu kuyiga kuno akaseera konna. Kino kitondawo embeera eyaniriza era efaayo eri abantu b'ekitundu.
- Maliriza n'essaala enyimpimpi.

Ebibuuzo ebirala ebikuyamba okuyiga obulungi.

- Kiki ekirala Katonda kye yakusomesa?
- Osobola okwongerera okulambulula mu bujjuvu ky'ozzeemu?
- Kiki ekirala omuntu yenna ky'asobola okugatta ku kiddidwamu?
- Kiki ekyasinze okukusanyusa ku lunyiriri olwo?

